

ՀՈՎՀԱՆՆԵՍ ԹՈՒՄԱՆՅԱՆԸ ԵՎ ԱՊԱՀՈՎԱԳՐՈՒԹՅՈՒՆԸ

ՄԱՐՏԻՐՈՍՅԱՆ ԱՐՏԱԿ

Գավառի պետական համալսարանի ասպիրանտ

e-mail: artak_martirosyan@yahoo.com

Սույն հոդվածով ներկայացված է Հովհաննես Թումանյանի գրական սրեղծագործությունների և ապահովագրության կապը: Հոդվածով հիմնավորվում է, որ Հովհաննես Թումանյանի սրեղծագործություններն հնարավոր է կիրառել ֆինանսական կրթման բնագավառում որպես ապահովագրության գարբեր գենսակները, ապահովագրության սկզբունքները և մոդելումները հնարավորինս մարչելի ներկայացնելու մեթոդ:

Բանալի բառեր՝ ապահովագրություն, գյուղատնտեսության ապահովագրություն, Թումանյանի ստեղծագործություններ, ֆինանսական կրթում, ապահովագրության տեսակներ, պատասխանատվության ապահովագրություն, գույքի ապահովագրություն, աջակցության ապահովագրություն, դժբախտ պատահարներից ապահովագրություն, բեռների ապահովագրություն:

Հազար ութ հարյուր վաթսունինն թվին

Հայոց այգիներն ի՞նչ պտուղ տվին,

Հայոց արտերում ի՞նչ բերք էր հասել,-

Դժվար է ասել:

Սակայն այդ թվին Մայր Հայաստանի

Արգանդը եղավ սրբորեն բեղուն:

Մի մանուկ ծնվեց Լոռվա Դսեղում...

Պարույր Սևակ, «Անլոելի գանգակակատուն»

Հովհաննես Թումանյանն իր ստեղծագործություններում բազմից անդրադառնում է մեր առօրյա կյանքում առկա խնդիրներին, միջանձնային հարաբերություններին և բացառապես իր տաղանդին բնորոշ հմտությամբ իր հայտնի հերոսների միջոցով ի ցոյց է դնում այդ խնդիրները ծնող պատճառները՝ իհարկե խնդիրների լուծման տարրերակները կամ խնդիրներից խուսափելու հնարավորությունները թողնելով ընթերցողին:

Ապահովագրությունը որոշակի վճարի դիմաց ռիսկի (առօրյայում կանխատեսելի խնդիրներ) փոխանցումն է մի սուբյեկտից մեկ այլ սուբյեկտի: Ռիսկի կառավարման տեսակ է:

Ապահովագրության վերը նշված ամենապարզ սահմանումն էլ իհմք է հանդիսացել մեզ համար հայտնվել թումանյան-ապահովագրություն ի սկզբանե անհավանական թվացող հատում կամ խաչմերուկում և շարունակել մեր հետագա ճանապարհը՝ ուստիմասիրելով և վերլուծելով չափազանց հետաքրքիր այդ կապը թումանյանի ստեղծագործությունների և ապահովագրության տարրեր տեսակների միջև:

Ուստիմասիրությունների արդյունքում պարզեցինք, որ թումանյանի ստեղծագործություններն այնքան հազեցած են ապահովագրության տարրեր տեսակներով, ապահովագրությանը բնորոշ մոտեցումներով և սկզբունքներով, որ հնարավոր է և նույնիսկ անխուսափելի է, հետագայում ֆինանսական կրթման ծրագրերում ապահովագրությունը ներկայացնել թումանյանի ստեղծագործությունների միջոցով, ինչն ավելի տպավորիչ և մատչելի կդարձնի ապահովագրությունը:

«Կիկոսի մահը» -Դժբախտ պատահարներից ապահովագրություն:

Կիկոսի մահը ստեղծագործությամբ շատ պարզ ձևով հնարավոր է ներկայացնել դժբախտ պատահարների ապահովագրությունը: Իհարկե, ստեղծագործությամբ անդրադարձ է կատարվում միայն դժբախտ պատահարներից ապահովագրությանը մահվան եթի դեպքում, սակայն ստեղծագործությունը հնարավորություն է ընձեռում ներկայացնել դժբախտ պատահարներ անձնական ապահովագրության տեսակը՝ ըստ էության, նաև բացահայտելով տվյալ տեսակի ապահովագրության մնացած հնարավորությունները նույնպես՝ դժբախտ պատահարի հետևանքով առաջացած բժշկական ծախսերի փոխհատուցում հաշմանդամություն, չաշխատած ժամանակի համար փոխհատուցում և այլն:

-Հիմի որ ես մարդի գնամ ու մի որդի ունենամ, անունն էլ դնենք Կիկոս: Կիկոսը գա էս ծառին բարձրանա ու վեր ընկնի, քարովը դիազի մեռնի...

Դժբախտ պատահարներից ապահովագրությունը հատուցում է ապահովագրված անձի կամքից անկախ տեղի ունեցած հանկարծակի, արտաքին ազդեցություն ունեցող իրադարձության հետևանքով անձի կյանքին կամ առողջությանը հասցված վնասները: Դժբախտ պատահարներից ապահովագրության դեպքում ապահովարական հատուցում է վճարվում դժբախտ պատահարի հետևանքով ապահովագրված անձի ժամանակավոր կամ մշտական անաշխատունակության կամ մահվան դեպքում:

Որպես կանոն դժբախտ պատահարների ապահովագրությունը ներառում է հետևյալ ռիսկերը.

- մահ՝ դժբախտ պատահարի հետևանքով,
- մշտական անաշխատունակություն՝ դժբախտ պատահարի հետևանքով,

- ժամանակավոր անաշխատունակություն՝ դժբախտ պատահարի հետևանքով

1. «Պոչատ աղվեսը» -Գույքի ապահովագրություն:

Լինում է, չի լինում՝ մի պառավ. էս պառավն իր էծը կթում է, կաթը վեր դնում, զնում է ցախ ու փետք բերի, որ կրակ անի, կաթն եփի:

Մի աղվես գալիս է, գլուխը կոխում կաթնի ամանը, ուրում:

- **Տարիկ, տարիկ, պոչս գուր, կցեմ, կցմցեմ, զնամ ընկերներիս հասնեմ, որ ինձ չասեն՝ պոչար աղվես, ո՞րդեռ էիր:**

Պառավն ասում է.

- **Դե գնա իմ կաթը բե՛ր:**

Գույքի ապահովագրությունը հատուցում է ապահովագրված անշարժ կամ շարժական գույքին հասցված վնասները, որոնք առաջացել են ապահովագրության պայմանագրում նշված պատահարներից որևէ մեկի արդյունքում:

Որպես կանոն, ապահովագրվում է գույքի կորուստը, վնասումը, կործանումը կամ ոչնչացումը, որն առաջացել է հետևյալ պատճառներից առնվազն մեկի հետևանքով՝

- հրդեհ կամ պայթյուն,
- երկրաշարժ,
- ջեռուցման, ջրամատակարարման կամ ջրահեռացման համակարգի վթար,
- ծաղի, թռչող օրիենտի, դրանց բեկորի ընկնում, կամ վերգետնյա

փոխադրամիջոցի վրաերթ,

- երրորդ անձի կողմից իրականացված չարամիտ գործողություն,
- կարկուտ, ջրհեղեղ կամ տեղատարափ անձրև,
- փոթորիկ կամ ուժեղ քամի,
- գրղություն կամ հափշտակություն:

2. «Մի կաթիլ մեղրը» - Ընդհանուր պատասխանատվության ապահովագրություն:

Մի գյուղացի իրենց գյուղում

Խանութ սարքել, բան էր ծախում:

Էսպես հանգիստ, էսպես սիրով,

Մեղրից անուշ լավ խոսքերով

Մեղր են քաշում. մին էլ հանկարծ

Մի կաթ մեղրը ծորում է ցած:

— Տը՛զզ, էն կողմից մի ճանճ գալի,

Էս կաթիլին վեր է գալի:

Ճանճի վրա, թաքուն-թաքուն,

Էս խանութի տիրոջ կարուն

Դուրս է ցարկում,

Թաթով զարկում...

**Ու դուրս եկան իրարու դեմ,
Հա՛զարկեցին ու զարկեցին,
Կովորեցին, կըրակեցին,
Ինչքան ավել կովորեցին,
Ենքան ավել կատաղեցին,**

Պատասխանատվության ապահովագրությունը ոչ կյանքի ապահովագրության լայն տարածում ունեցող ճյուղերից է, որտեղ ապահովագրության օբյեկտ է հանդիսանում ապահովադրի՝ օրենքով կամ պայմանագրերով սահմանված պատասխանատվությունը երրորդ անձանց պատճառված վնասների գծով: Ձեռնարկությունները, կազմակերպությունները կամ քաղաքացիները իրենց գործունեության ընթացքում կարող են վնաս հասցնել երրորդ անձանց կյանքին, գոյքին կամ առողջությանը, ինչը ենթակա է փոխհատուցման: **Պատասխանատվության ապահովագրության էությունն** այն է, որ ապահովադիրները, վճարելով ապահովագրավճար, ապահովագրողներին են փոխանցում երրորդ անձանց իրենց կողմից հասցված վնասի փոխհատուցումը: **Պատասխանատվության ապահովագրությունը** ունի երկակի նշանակություն. առաջին հերթին այն պաշտպանում է ապահովադիրներին կորուստներ կրելուց, երբ անհրաժեշտություն է առաջանում փոխհատուցելու իրենց գործունեության արդյունքում տուժածներին հասցված վնասը: Երկրորդ՝ տուժածներին երաշխավորում է կրած վնասի փոխհատուցումը: **Հատկապես** այս հանգամանքը հաշվի առնելով՝ շատ երկրներում պատասխանատվության ապահովագրության որոշ տեսակներ կրում են պարտադիր բնույթ, քանզի անկախ վնաս հասցնողի վճարման հնարավորությունից և կամքից, պետք է երաշխավորված լինի տուժողի կողմից կրած վնասի փոխհատուցումը:

3. «Շունն ու կատուն» - Մասնագիտական պատասխանատվության ապահովագրություն:

**- Նե հե՛ր օրինած, էդե՞նց ասա,
Էդ բարկանալդ է ընչի՞ս ա:
Փող եմ դրվել, վախսրին կարի,
Թե չէ՛ ասա, էգուց արի:
Համ ասում ես, համ չես կարում,**

Մասնագիտական պատասխանատվության ապահովագրությունը պաշտպանվածություն է ընձեռում այն անձանց, որոնք գբաղվում են իրենց հաճախորդներին մասնագիտական ծառայությունների մատուցմամբ և իրենց մասնագիտական պարտականությունների կատարման ընթացքում ակամայից թույլ են տալիս անզգություններ, սխալներ, չկանխատեսված բացթողումներ, ինչի հետևանքով վնաս են հասցնում հաճախորդներին, որոնք ի սկզբանե վստահում էին նրանց՝ համոզված լինելով վերջիններիս մասնագիտական հմտության նկատմամբ:

Ապահովագրվում է սնանկության գործով կառավարիչների, առլիտորների, հաշվապահների, փաստաբանների, նոտարների, բժիշկների և այլ մասնագետների կողմից ծառայությունների մատուցման դեպքում նրանց գործողությունների կամ անգործության հետևանքով առաջացած քաղաքացիական պատասխանատվության դիմուլ:

4. «Ծիտը»-Պայմանագրային պարտավորությունների ապահովագրություն:

- Նանի՛ ցան, նանի՛, ոդիս փուշը հանի, թռնիրդ վառի, ես էլ գնամ քուցուանեմ, գլուխս պահեմ:

Պառավը փուշը հանում է, թռնիրը վառում:

Ծիգը գնում է, եկո գայի, թե՛ փուշը եկո գուր ինձ:

Պայմանագրային պարտավորությունների ապահովագրությունը ընդհանուր պատասխանատվության ապահովագրության տեսակներից է, որով փոխառուցվում եմ պայմանագրով ստանձնած պարտավորությունների չկատարման հետևանքով առաջացած վնասները:

5. «Ձախորդ Փանոսը»-Աջակցության ապահովագրություն կամ ճանապարհորդության ապահովագրություն:

Փանոսը լիից դուրս է գայի, դեսնում շոր չկա: Մնում է տկլոր կանգնած:

Փանոսը ցավից վայ՝վայ անելով եկո է դառնում, շներն էս ձենի վրա վեր են կենում, դեսնում են, օհո՛, մթնումը հրես մի տկլոր օքմին, ու չորս կողմից վրա են դրայիս: Շների հաջողի վրա մարդիկ դուրս են թափվում, դեսնում են՝ մի տկլոր մարդ փախած գնում է, շները եփնից:

Շներն էլ եփնիցը մի ճուռը պոկում են, ու էսպես տկլոր, աչքը հանած, կաղին դրալով՝ խեղճ Փանոսը գնում է կորչում:

Աջակցության ապահովագրությունը հատուցում է արտասահմանում գտնվելու ընթացքում ապահովագրված անձի հետ տեղի ունեցած դժբախտ պատահարի կամ նրա առողջական վիճակի վատթարացման հետևանքով առաջացած ծախսերը:

Աջակցության ապահովագրության շրջանակներում հատուցման ենթակա են հետևյալ ծախսերը՝

- անհետաձգելի (շտապ) բժշկական ծառայության ծախսերը,
- ապահովագրական պատահարի ժամանակ առաջացած բուժութանապորտային ծառայությունների ծախսերը,
- հայրենադարձության հետ կապված ծախսերը,
- ծախսեր, որոնք իրականացվել են ապահովագրական պատահարի մասին աջակցող ընկերությանը կամ ապահովագրողին տեղեկացնելիս:

6. «Տերն ու ծառան» - Գործազրկության ապահովագրություն:

- Հը՝, դու բարկանո՞ւմ ես,- կանգնում է գլխին հարուստը: - Երբոր բարկանում ես, մեր պայմանը պայման է: Ել չասես, թե քեզ հետք առանց իրավունքի վարվեցին:

Ու պայմանի ուժով սփիպում է՝ ծառան կամ հազար մանեթ դրուգանք դրա կամ դրասը դրաի ձրի ծառայի:

Գործազրկության ապահովագրությունը փոխհատուցում է այն վնասները, որոնք առաջացել են աշխատանքային օրենսդրությանը համապատասխան դեպքերում աշխատանքը կորցնելու հետևանքով՝ աշխատաժամանակի կրճատում, հաստիքի կրճատում, գործատուի լրացրում և այլն: Ապահովագրված անձը ապահովագրության պայմանագրով սահմանված որոշակի ժամկետում և չափով՝ առավելագույնը աշխատավարձի չափին համապատասխան ստանում է փոխհատուցում մինչև նոր աշխատանքի անցնելը կամ սահմանված ժամկետի ավարտը: Որպես կանոն՝ կիրառվում է վարկառուների համար, քանի որ ֆինանսավորող կազմակերպությունները վարկ տրամադրելիս հիմնականում առաջնորդվում են աշխատավարձի չափով, իսկ վարկառուի գործազրկության դիսկի ապահովագրություն չունենալու դեպքում հնարավոր է ունենան ժամկետանց մարտուներ և խնդրահարույց վարկեր:

7. «Ուկու կարասը» - Ամուսնության ապահովագրություն:

Դուքս է գալի, որ մինք մի դրա ունի, մյուսը՝ մի աղջիկ: Իմաստունները վճռում են, որ սրանք գնան իրենց աղջիկն ու դրեն իրար հետք պսակեն, էն գրած ուկին էլ դրան նրանց:

Ամուսնության ապահովագրությունը կյանքի ապահովագրության տեսակներից է, համաձայն որի կոտակային սկզբունքով հավաքագրվում են ապահովագրավճարները, իսկ տվյալ դեպքում ապահովագրական պատահար է համարվում ապահովագրված անձի ամուսնությունը, որից հետո ապահովագրված անձը ստանում է ապահովագրության պայմանագրին համապատասխան փոխհատուցում՝ տարաժամկետ կամ միանվագ եղանակով:

8. «Անբախտ վաճառականները» - Բեռների ապահովագրություն:

Մի օր Չըղջիկն ու Ճայն Եկան
Թե՛ Ե՛կ դառնանք վաճառական:
Չիղջը մընաց, դրնապահ դառավ,
Ճայր բոլոր փողերն առավ,
Առավ, նըստեց նավի միջին,
Հասավ Մըսըր, Չինումաշին,
Ֆարս, Հընդըստան,
Արաբըստան...
Ինչ որ փեսավ, աչքը սիրեց,
Առար-առար նավը լրցրեց.

**Նավը լքցրեց հազար բարով
Ու եփ՝ եկած ճանապարհով
Ուրախ-ուրախ դրու էր գալի:
Ճամփին ծովում սարսափելի
Ալեկոծում, մըրրիկ ելավ,
Զարկեց, տարավ ապրանք ու նավ:**

Բեռների ապահովագրության միջոցով փոխհատուցվում են տրանսպորտային միջոցով (այդ թվում՝ երկաթուղային, օդային, ցամաքային և ծովային) գույքի տեղափոխման ընթացքում բերի վնասման հետևանքով սեփականատիրոց կրած վնասները, այդ թվում նաև բեռնափոխադրման համար կատարված ծախսերը:

Որպես կանոն, ապահովագրվում է բերի կորուստը, վնասումը, կործանումը կամ ոչնչացումը, որն առաջացել է հետևյալ պատճառներից առնվազն մեկի հետևանքով՝

- հրդեհի կամ պայթյունի,
- տարերային աղետների,
- տրանսպորտային միջոցի հետ տեղի ունեցած վթարի, բախման կամ շրջման, խորտակման և այլն,
- չսահատեսված վայրում, հատուկ պայմաններում բեռնաթափման,
- բեռնման, տեղավորման, բեռնաթափման և փոխադրամիջոցի՝ վառելիքով լցավորման հետևանքով բերի վնասման և այլն:

9. «Հառաջանք» - Գյուղատնտեսության ապահովագրություն:

«Հառաջանք» պոեմը կարդալիս տպավորություն է ստեղծվում, որ թուանյանը ստեղծագործելիս նպատակ է ունեցել բարձրածայնել գյուղատնտեսությունում առկա ուժսկերը, չարդարացված ծախսերը և հիմնավորել Հայաստանում գյուղատնտեսության ապահովագրության ներդրման անխուսափելիությունը, նոյնիսկ շշափում է վիճակագրական տվյալների բացակայության խնդիրը և անդրադառնում է հողերի մասնատված լինելու հանգամանքին, որը, ցավոք սրտի, դեռևս մինչև այսօր արդիական է և խնդրահարուց:

Մեր ապրուապն ի՞նչ է. - մի կրոր չոր հաց,

Են էլ հըրեն հա՛ - երկընքից կախված:

Վազներից էնքան օգուպ չի գալի,

Ինչ նրանց համար ես փող եմ գուլի.

Գողն էլ մի կըռնից, գելն էլ մյուս կըռնից,

Աչքը թեքեցիր - բանիդ դերը չես.

Մեկին մեր գյուղում մի թիզ հող ունի,

Թըքես մի ծերից մյուս ծերը կընկնի.

Ոչ ինքն է վարում, ոչ տալիս մեկին,

Բուտն է հավաքել գյուղացու հոգին:

Գյուղատնտեսության ապահովագրության միջոցով փոխառուցվում են գյուղատնտեսությունում առկա ռիսկերի հետևանքով (կարկոտ, ցրտահարություն, երաշտ, վայրի գազանների հարձակում, հիվանդություններ և այլն) տնտեսվարողների կրած վնասները։ Ապահովագրության ենթակա են գյուղատնտեսական մշակաբույսերը, պտղատու այգիները, ակնկալվող բերքը, գյուղատնտեսական նշանակության կենդանիները, գյուղատնտեսական նշանակության մեքենասարքավորումները, շինուալիքները և այլն։

10. «Սուտասանը» - Շահեր, որոնց ապահովագրությունը չի թույլատրվում։

-Դո՞ւ ինչ ես ուզում, այ մարդ, - հարցնում է թագավորը։ - Ինձ մի կոր ուկի ես պարս, եկել եմ դանեմ։

-Մի կոր ուկի՞ - զարմանում է թագավորը։ - Սո՞ւպ ես ասում, ես քեզ ուկի չեմ պարս։

- Թե որ սուպ եմ ասում, թագավորությանդ կեսը դուք։

- Չէ՞ չէ՞ ճշմարիտ ես ասում, - խոսք փոխում է թագավորը։

- Ճշմարիտ եմ ասում՝ մի կոր ուկին դուք։

ՀՀ քաղաքացիական օրենսգրքի 984 հոդվածի համաձայն ապահովագրության ենթակա չեն հետևյալ շահերը՝

1) հակաօրինական շահերի ապահովագրությունը։

2) խաղերին, վիճակախաղերին և գրագին մասնակցելու հետևանքով առաջացած վնասների ապահովագրությունը։

Ի՞նչ իմանաս Ըստեղծողի գաղփնիքները անմեկին...

Հովհաննես Թումանյան

Օգտագործված գրականություն

1. Հովհաննես Թումանյան, Հեքիաթներ, Երևան, 1999, 156 էջ։
2. Հովհաննես Թումանյան, Բանաստեղծություններ։ Քաղակներ, Երևան, 2009, 154 էջ։
3. Հովհաննես Թումանյան, Ժողովրդական հեքիաթներ, պատմվածքներ, պոեմներ, բալլարդներ, լեգենդներ, բանաստեղծություններ և քառյակներ, Երևան, 2011, 285 էջ։
4. ՀՀ քաղաքացիական օրենսգիրը։
5. Ապահովագրության և ապահովագրական գործունեության մասին ՀՀ օրենք, Ընդունված է 2007 թվականի ապրիլի 9-ին։
6. https://hy.wikisource.org/wiki/Հովհաննես_Թումանյան։
7. <https://www.nairi-insurance.am/>
8. Ապահովագրական գործ, ուս. Տեղնարկ, պրոֆ. Ա. Շյուղովյան, պրոֆ. Կ. Աբգարյան, Երևան, 2007, 576 էջ։

HOVHANNES TUMANYAN AND INSURANCE

MARTIROSYAN ARTAK

PhD student of Gavar State University

This article presents the link between Hovhannes Tumanyan's literary works and insurance. The article argues that Hovhannes Tumanyan's works can be used in the field of financial education as a method of presenting the different types of insurance, insurance principles and approaches. This article is intended for lecturers, students and for other people studying insurance.

Keywords: *Insurance, agricultural insurance, Hovhannes Tumanyan's literary works, financial education, types of insurance, liability insurance, property insurance, assistance insurance, accident insurance, cargo insurance.*

ОВАНЕС ТУМАНЯН И СТРАХОВАНИЕ

МАРТИРОСЯН АРТАК

Аспирант Гаварского государственного университета

В этой статье представлена связь между литературными произведениями Ованнеса Туманяна и страхованием. В статье утверждается, что работы Ованнеса Туманяна могут быть использованы в области финансового образования как метод представления различных видов страхования, принципов и подходов в страховании. Эта статья предназначена для преподавателей, студентов и для людей, заинтересованных в страховании.

Ключевые слова: *страхование, сельскохозяйственное страхование, литературные произведения Ованеса Туманяна, финансовое образование, виды страхования, страхование ответственности, страхование имущества, страхование помощи, страхование от несчастных случаев, страхование грузов.*

Հոդվածը ներկայացվել է խմբագրական խորհուրդ 26.01.2020թ.:

Հոդվածը գրախոսվել է 04.06.2020թ.: